



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

7. Fames & pestis mala inter se collata, & à Deo intentata peccatoribus.

urn:nbn:de:hbz:466:1-45701

confici, quantò lentiùs homines fame, quām peste conficiuntur. Ausim dicere, hoc solum in peste bonum esse, quia, ne diu cruciet, citò tollit. Quòd autem fames mortem diutiùs differat; quām lues, nihil hoc malum mitigat, sed auget, quia etiam tyranni, ut diriùs torqueant, jubent alios ita pedetentim occidi, ut sentiant se mori. Misera est subitanea mors, si sit improuisa, fateor. At improuisa potest etiam esse in fame, dum quisque sperat, quām diu spirat, se adhuc diutiùs vitam protracturum. Quòd si autem etiam in pestifero dolore, vix quisquam ita occupatur, ut non possit prouidere, se moriturum, aut vix evasurum; tum profectò, si sibi prospiciat, felix est, si citò occumbat; quisquis enim citò moritur, citò definit ægrotare. Neque miseros dicemus idcircò milites, quia uno teli jactu, aut gladij plaga, velut momento temporis, sed quia imparati, & conscientia quo-
que sauciata sàpe moriuntur. M. Curtius, ut pestem ab urbe auerteret, equo insidens in hiatum insilijs? Adolescens fuit. fecit id responso diaboli deceptus. fecit pro salute & incolumente totius patriæ ciuitatis. Multi viri, & senes, sine oraculo, ne famem priuati priuatum pati eogerentur, se in puteos, in amnes, in plateas ex alto præcipitauerunt.

Iam si ipsum genus mali viriusque inter se conferamus, nihil fames pesti cedet, nisi quòd, ut prolixiorē affert cruciatum, ita etiam crudeliorē, sicut dixi. Quippe si de fœditate aspectus sit sermo, longè inedia vultus facit horribiliores. Pestilentia tacti rubent, quia æstuant; inedia exhausti pallent, & lurido genarum atrore laruis ipsis infernalibus assimilantur: ut meritò sine formidine non aspiciantur. Pestilentia correpti sunt debiles; inedia emaciati longè debiliores; adeò, ut tandem nec gradi, vel è terra se erigere queant; aut si conentur incedere, ossa compulsent ambulando. Pestifera lues mentem perturbat? multi visi sunt, qui fame ad rabiem adacti insanierunt. Pinguntur pestiferi rubore subliuido, carbunculis & anthracibus deformantur? At famelici viribus defecti mortem ipsam repræsentant. Nec minus his, quām illis fauces ærescunt, asperatur lingua, ipsoque edendi & bibendi appetitu, cibi & potus eliditur appetitus ac ligatur, ut tandem etiam maximè famelici, licet cibum habeant, sumere amplius

Tit Liu lib. 6

VII.

non

N 3

non possint; itaque miseri trahunt spiritum, ut gemere, non anhelare videantur. Pestis nullo discrimine pauperes diuitesque inuadit? Inuadit & fames: nam & Tantalus diues fuit, & multi alioqui opulentii, vel in bello, vel in carcere, vel in obsessa vrbe fame vexantur. Quod si in magna annonae caritate pecuniosos fames non aggreditur, tantò sunt miseriores, si vident inopes esurire, & ipsi saturi non succurrunt. Haec eorum felicitas via illis est ad æternam calamitatem. Sensit nimium ille, qui sitiens dixit: *crucior in hac flamma*, quam longè infortunatior fuerit sua saturitas esurie Lazari, ante fores, & inter canes jacentis. Multos pestis è medio tollit? tollit multos & fames. Populatur illa totas nationes? populatur & ista. Illa & homines sternit & pecudes? facit idem & ista. Minitatur Devs & pestem & hostem prævaricatoribus? minitatur & famem. Immò plerumque tamquam tergeminum flagellum coniungit. Apud Prophetam ita loquitur:

Ierem. 14. 12. Gladio, & fame, & peste consummam eos: Item: Qui habitauerit in Ierem 21. 9. vrbe hac, morietur gladio, & fame, & peste. Ac rursus: Et mittam Ierem. 24. 10. in eis gladium, & famem, & pestem; donec consumantur de terra, quam dedi eis, & patribus eorum.

Ezech. 6. 11. dio, fame, & peste ruiturisunt. Apud quem paulò priùs in hunc modum irascitur. Ego Dominus locutus sum: Quando misero sagittas famis pessimas in eos; qua erunt mortiferae, & quas mittam, ut disperdam vos: & famem congregabo super vos, & conteram in vobis baculum panis. Et immittam in vos famem, & bestias pessimas usq; ad internacionem: & pestilentia, & sanguis transibunt per te, & gladium inducam super te. Ego Dominus locutus sum. Vbi non solùm famem enumerat inter pessima, sed propè eriam inter pessimorū pessima, si bellum excipias, de quo paulò post dicemus,

VIII. *Enimuerò sicut inter bona pestis potest computari, quod corpus citò sternat, ne diutiùs affligat; ita & inter optimos eius effectus cendum est, quod homines faciat de salute sua cogitantes, & ad poenitentiam confugientes, & eos scilicet, qui iam à morte se vident non procul abesse, & illos, qui timent ne sibi quoque eueniat, quod alijs vident quotidie euenire. At fames, ut suprà docuimus, male suada est. Quid enim non cogit mortalia pectora? Leuis erat fames, quæ Euam, quæ ipsum Adamum*

ad

Gen. 3. 6.